

Kibaru


San 2019 marisikalo,
san 47 nan - Boko 566 nan
songo = dōrōmē 35

Kunnafonisében bota kalo o kalo - BP : 24 - Téléphone : 20.21.21.04 Kibaru bugufiye Bosola Bamako

OGOSAGU mōgōfagaba bonyara malidenw hakili ma



San 2019-2020 séné
kanpani bē sira juman kan
Oyasiwéni/OHVN na
n3 nan



San 2019 marisikalo lajaba barika bonyara. Mali sordasi mogo 23 bonyera u ni na. O dusukasi ma ban mōgō la, Ogosagu mōgōfagaba nana fara o kan. O binkamniwale in kera sibiri sognamada joona, san 2019 marisikalo tile 23, ka dugumogow to sungo la. Ogosagu bē bankasi mara la, Mōti marabolo kono. A dugumogow ye fulaw ye. Mogo 136 ni tora a la, ka 60 jogin. Duw dōw cira, ka tasuma wuli dōw la.

Jiginecira, k'u jeni. Bagaw fagara, ka taa ni dōw ye. U ma mōgō bo mōgō la, denmisén ni maakoro, ce ni muso, u je mana da mōgō o mōgō kan, o kera su ye. Marifa ni sansi ni maramafen werew tun b'u bolo. Dugu in n'a mōgōw, u te kurun kun na, u te kurun ju la ; u m'a min, u m'a bōn ; ka taa bin u kan ten, k'u dalen to sungo la ; u ma sigi ni kele ye, kuma te k'u b'u pripripi ; nin bee de bonyara hadamadenw hakili ma.

Dugumogow y'a pereperlatige ko donsifini tun bē mōgōfagala ninnu na, nka kelejekulu kelen-min don, segesegeliw de be se k'o jalatige, n'o te a kebagajonjōw ma don folo, bawo u y'usago ke dugu la ka taa, lere 9 o kofé, Mali finitigiwana. Mogo si ma mine u la, kuma te k'u faga. O de y'a to kuma o kuma be ka fo mōgōfagalabu ninnu kan, o bee ye bisigya ye folo sanni segesegeliw jaabi k'a soro. A no goni nā, goferenaman ka

cidenw scra kene kan. Olu kera secer ye. U y'a ye, mōgō ka lakali te. Dugu bonna, k'a yoro caman ci, k'a yoro caman jeni. U ye mōgō salenw ye, ka mōgō joginnenw ye, ka filiyatow ni falatow ye. U ye kaburuw ye. Ala ye minnu ni kisi, u n'olu sigira ka kuma. O bōlen kō yen, jamana-kuntigi yere sera kene kan. A ko a ma dan soro nin waleyia in na. Nk'a a ko tena bila tan. Wale jugu in kebagaw be pini k'u mine, k'u jangi. A ye yafa pini dugumogow fe bawo ale de ye jamana jemogo ye. A ye dugawu ke sabagatow ni joginbagatow ye ani dugumogow fe bee lajelen, jamana bee togo la. Miliyon 10 dira dugumogow ma k'o ke demew nebila ye. Jamana bēna dugu in jo kura ye. Minisirilaje kerekrennen senfe, dogonow ka yermakarankelebolo min be wele DAN NA ANBASAGU, goferenaman y'o ci, k'o kana baara ke bilen jamana kono. Mali larame kono, sordasi jemogoba caman bora u joyoro la, ka kuraw bila u no na, k'u m'u ka baara ke. Afiriki kono ani dije kono, dije tonbaw, bee lajelen y'u ka dusukasi jira nin waleyia in na, ka dugawu ke Malise, k'a jini kojukuelaw ka jangi walasa ka fu siri nin ko nimu dan na.

Madiba Keyita
Mahamadu Konta




Mali tun bē Fespako/
FESPACO kene kan
Wagadugu
n8 nan

Minisirilaje kérénkérénna kera karidon, marisikalo tile 24

Minisirilaje balalen kera karidon, marisikalo tile 24, san 2019. Kuluba. A jemogoya tun bē jamanakuntigi Iburahimou Babakari Keyita bolo. Laje in senfe, u benna poroze dōw kan, ani ka sordasijemogō dōw ka jala jiidi, ka dow wuli, ka kuraw sigi u no na. Laje damine na, jamanakuntigi y'a jini taasibila ka ke ka jesin Ogosagu sabagatow n'a mōgō joginnenw ma.

Baara folo kera sariya tali ye ka dogonow ka yerelakanakelebolo ci, n'o ye DAN NA ANBASAGU ye. A kōlsira k'o kelebolo in temena a sigikun baaraw kan, ka damateme ke. Baaraw minnu tun dantigera a ye, olu bolodara jamana sariya nimor 04-038 fe, min tara san 2004 utikalo tile 05. O la, a jirala ko DAN NA ANBASAGU temena a ka hakew kan. Marajemogow ye ton in laadi sijne caman, o si ma makope. O koson a cira fanga fe.

Minisirilaje in senfe, dō farala sordasijemogō dōw ka jala kan, ka joyoro kura di dōw ma : Jalatigiba fila kera Zentralidédiwizón ye, olu ye : Zentralidébirigadi Ibura-hima Fane ani Zentralidébirigadi Abdulayi Kulubali. Jalatigiba duuru kera Zentralidébirigadi ye, olu ye : Kolonelimazori Keba Sangare, Kolonelimazori Dawuda Danbele, Kolonelimazori Bubakari Jalo, Kolonelimazori



Samataségew y'u ka baara to dafa nimisiwasa kono marisikalo tile 24

Eziputi kani jeilantolatanw na, Mali kera folo ye a ka kulu la, ka Burundi ke filanay ye, ka Gabon ke sabanan ye, ka Sudandisidi ke laban ye. Mali ka ntolatan laban na, a ni Sudandisidi ye jirog soro 26 marisi farikolopénajé kene kan. O ntolatan in laban na 3 ni 0 la Mali kanu na. Mali ka kuruw donna sanga 18 nan na Kalifa Kulibali, sanga 28 nan na Musa Jenepo fe, sanga 90 nan na Adama Tarawele fe, jamana 24 bēna pogon soro Eziputi Kani na, k'a ta zuwenkalo tile 21 na ka se zulyekalo tile 12 ma, san 2019. O jamanaw ye : Eziputi, Nizeriya, Maroukou, Alizeri, Tunizi, Afrikidisidi, Senegal, Kōnowari, Gana, Mali, Madagasikari, Lajine, Moritani, Kongodemokarati, Kameruni, Uganda, Ginebisawo, Zimbawe, Angola, Namibi, Benen, Kenya, Tanzani, Burubdi.




Mahamadu Konta



Fasokannakalan
déménicakéda ka san
2018 baaraw jena
n7 nan

Marisikalo tile 8 : kangari gelsenw dara walasa binkanniwalew kana ta ka musow segere

Marisikalo tile 8 ye don kerenkerenye min be nenananya san o san musow togo la dije kono. Ninañ ta hukumu kono, muso, den an denbaya togolaminisiriso ye nenañebabu laben Basumana. Sisoko togolajenajekeso kono, jumadon, marisikalo tile 8, san 2019 Bamako. Kene in nemogoya tun be jamanakuntigi Ibrahimi Keyita n'a furu muso Aminata Mayiga bolo. A don, musow bora fan be : jagokelaw, senekelaw, gadonaw, farikoljenajekelaw, polisiw, sorodasiw, duwanew ani kunnañafonidilaw, ka nenañekeso in fa i na fo dakonçin. Masalakun min tara ninan marisikalo tile 8 nenanayali hukumu kono, o ye ko : «Musow ka senyerekoro sabatili walasa u tojoni ka dabilo». Madamu Jakite Ayisata Tarawele ye muso, den ani denbaya togolaminisiri ye. A ko ni y'a ta k'a laje binkanniwale caman be ta ka musow segere kele waati la. An ka jamana b'o de kono bi. Segesegeliw y'a jira ko san 2012 – 2013 waati kono, ko binkanniwale 44 % tara ka nesin musow ma furuso kono u yere furucew fe. O wale ninnu be tali ke musow gosilijugu la ani u bilali falyabaa raw la. Bin be ke muso minnu fana kan u farikolo nofe, olu caman be bana binkanniwale kofe. Ni binkanniwale ninnu be kolo caman lase musow ma bange sira fe, i n'a fo konto balalenw; kontoptiye faratilenw, walima banakisse yelemtaw i n'a fo sidabana n'a nognona caman. Minisiri ko nin walejugu ninnu nerkoro, a ka kan musow ka hakew ka segin u ma. O koson, desanburukalo tile 18, san 2015, Mali ye sariya do ta, a be fo min ma ko sariya n° 2015 / 052 walasa ka musoya yankan ani ka joyoroba di a ma jamana cakedaw la. O sariya in y'a jira ko baarakela 30 % ka ke musow ye cakedaw la. San 2010 fana kono, sariya were n'a waliyalifeerew tara goferenaman fe walasa ka ce ni muso damakeye hakew la. Sariya fen o fen tara dije kono, ka nesin musow ka hakew lakanani ma, an ka goferenaman sonna o bee ma, i n'a fo san 1979 sariya, o min tara walasa ka musow ka kerefeden kele. O kofe, sariya were tara ka nesin den ka hakew lakanani ma. Minisiri y'a jira ko nin sariya ninnu b'a to musow ka laninuw ka sabati doonin doonin, k'u lakana ani k'u bila u ka hakew kono. Minisiri ye jamanakuntigi n'a furumuso ka wulikajow sementiya musow ka hakew lakanani siratige la Mali kono. O misali ye min



Mali musow be cisiri la u ka hakew latasali koson

ye, a ko jamanakuntigi bora ka senekeminen caman di togo-dalamusow ma u togoladon kerenkeren nenanayali senfe, n'o ye okutoburukalo tile 15 ye. Minisiri y'a jira ko ddogtoroso kerenkeren do bera jo musow togo la binkanniwale tara ka minnu segere furuso kono ani kele waati la. Mahamati Saale Anadifou ye dije tonba nemogoba ka lasigden kerenkeren ye Mali kono. A ko walasa ben ni lakana ka sabati dije kono, fo ce ni muso bee ka damakenje hakew la, o de be yiriwali sabati. Jamanakuntigi Ibrahimi


Bubakari Keyita kelen ka kuma ta, a y'a jira ko an file yoro min bi, ni musow te, an tun te se yen. A ko a nisondiyalen be ONI fo u ka hakilila juman na, ka don do kerenkeren san kono musow togo la. A ko musow ka hakew dili u ma o ye danbeko ye. Jamanakuntigi y'a jira fana ko musow ka u ka hakew nini, o te saraga deli ye, u ka hakew ka kan ka di u ma, k'u lakana ka fara o kan. Ale bolo, ka binkanniwale ta ka musow segere, o ye maloyalako ye, wa jen man kan te ka ke n'o ye cogo si la. A ko mogo minnu be binkanniwale

ta k'u musow segere furuso kono, fugariya ma teme o kan. A ko muso si no te a ka musoya ye wa ko a man kan fana mogo ka bin i mogonçon kan ko se b'i ye wali-ma ko faga b'i la ka teme o tigi kan. A ko mogo minnu b'o wale jugu in ke, ko yafa man kan te ka ke olu ma, u ka kan ka nangi. Kuma kan laban na, jamanakuntigi y'a jira ko goferenaman b'a seko n'a damajira bee ke walasa ka jamanaden bee bila u ka hakew kono.

Kalifa Jakite/
Siyaka Sogoba

Afiri ba belebele sabanan, Ba Joliba, segenna, a janina

Ba Joliba ye Afiri tilebinyan-fan ba ye min janya ye km 4200 ye. A be boli jamana 4 kono Lajine, Mali, Benen ani Nizeriya. A be damine Lajine, Futajalon kuluwo kono, ka taa bin kogaji la Nizeriya. Nka a be boli min ke Mali kono, o kuntaala ka jan ka teme tow ta kan, o be se km 1200 ma. A be teme maninkala, Kulukoro, Segu, Mopti, ani Gawo fe. Afiri kono, alc de ye ba 3 nan ye, Nili ni Kongo ba bolen ko yen. Ba Joliba segenna, a janina, k'a sababu kecencenbo ni sanubo ye ; k'a sababu kegalodon, ni namambon ye, k'a sababu ke iziniw nogow bonni ye a kono, k'a sababu sow joli ye a kono ani nakow forow binni a kono. Ba Joliba be ka nafa minnu lase an ma, o te ka laje bilen. Mogo ka jikomakow be ka bo a-la, o te ka laje. Minniji, forosonji, minenkoji, o si teka laje bilen. Jilafen minnu b'a kono, jegew ni bamaw, ni maliw, adw, olu ka nenanaya-sabatili si te ka laje. Monni min be ke a kono, ka jegew mine, k'u feere, k'u kebaloye, ani mogobacaman minnu be ka balo o monni in na, o si te ka jatc. Hadamaden be k'a ta ke baji tijeni dama ye, a te miiri o kolo la a yerekun kan, sigidalamogow kan ani jamanaden tow kan, fo a kelen ka nafa, o ye ko jugu dan ye. Sigidala faamaw je b'o la, u te ka fen fo. Jamana faamaw je b'o la, u te ka dabali si tige min be ke sababu ye ka ba joliba kisi, k'a tanga, walasa an ka nenanaya ka



Baji tijeni keleya be se maliden bee ma

sabati. Kabako ani dabalibanko be ka ke Badugu Samalen. Siniwa dow nana u ka sanubominenw sigi bakunkun kan yen. U be ka badinge sen ka sanu nini, o bögow be tila ka jigin ba kono. U be baara ke ni bagamafen suguya caman ye minnu be nimafenw ni falenfenw faga. A ko damatemena fo dugumogow ye baji minni dabila. Nka siniwaw ka cakeda in be saalen ni lenpo sara sigida faamaw ye. O la, olu b'u je tugu, k'u tulou geren. O bolen ko yen, Mali kelen be ka yamaruyaseben di siniwa ninnu ma, ka saratiw dantigew u ye minnu b'a to u ka baaraw kololo juguw kana se sigidalamogow ni sigida n'a lamini ma. Nka Mali mana o yamaruraseben in warimine kabani, kolosili ni kiimeni kebaliya ye. Sariyaw tali ni saratiw dantigeli te baara bannen ye, fo u ka boli a ne ma, k'u sosobagaw nangi, ka sariyabere da u kun, n'o te, fosi te bo tijeni na fo min be fara a kan.

Amadu B Mayiga
Mahamadu Konta

Cike yiriwali sirilen bë ninini sabatili la

Dine kono, cike yiriwali sirilen bejinini sabatili la. Eere kuraw ni jinini minisiri, madamu Migan Asctu Func Samake taara Segu marabolo la, ntenendon, marisikalo tile 11, san 2019, k'a bolo da o tije in kise kan. A taara dugu fols min na, o keraZenbugu Mangoni ye, San marabolo kono. Dugu filan kera Segu ye. A taara a je da izini do kan yen min ka baara ye nogo bagantanw dilanni ye. Izini in togo Sama pugaji, ka da a kan, a beka baara belebele kewalasa kungo n'a jiriw ni forow ni seneferw ka se ka sabati, k'a sababu nogo bagantanw ye. Zenbugu Mangoni taama in na, a jati-gi kera Sidiki Kulubali ye. Foro belebele be Kulubalike bolo jirrituru kama. Foro in kono, jirisijew lacayali, jiriw gerefeli, jiriw ladoncogo feerew ni jiridenw bocogo feerew, olu ye baaraw ye minnu sabatira kosebe, k'a sababu keMali cakeda doka deme ye min ka baaraw nesinnen be cikeduguyorow ka soro yiriwali ma, n'an b'a wele tubabukan na (IER/IYERI). Sidiki Kulubali sera ka nsirasun ni sisun gerefc. O kera sababu a ka sisunw n'a ka nsirasunw ka den caman ke. Si ni nsira y'an ka kunkonjiriw ye minnu be meen kasoro u ma korobaya, minnu be meen kasoro u ma den. Kulubalike ye fura soro o la n'a ka gerefeli feerew ye. A ye nsirasun ni sisunw soro minnu be moyo joona, u be den joona, wa u denw ka ca, u ka di fana. Minisiri, madamu Migan Asctu Func Samake y'a jira ko Kulubalike ka nin gerefeli in jognona be se ka ke an ka kungokonjiri werew la. O la, a ka kan jinini minnu kera sababu ye ka gerefeli ninnu ke, olu kecogo feerew ka lase jamanaden werew ma Mali fantan ni naani kono walasa bee k'u nafa soro, dunkafa ka sabati, soro ka yiriwa. Kulubalike kelen ma baara in ke. A ni jamana jininkelaw de farala jognon kan, jekabaara kono, ka se ka nin dakabanako ninnu ke k'a sababu dñnni ni jinini ye. Minisiri ka taama dakun filan kera Sama pugaji kono, o ye farafinnogodilan izini ye Segu mara la. O izini in tigiw ye sewari miliyari 6 don a joli dafe. A be farafinnog o toni 50 000 dilan san kono. O hake in be se ka yelen ka se toni 100 000 ma san kono. Izini in nemogoba madamu Umu Samake Wanhorebckekelel ko k'a ka baarakoyoro jira ani k'a jefo nabagaw ye, minisiri n'a nofajama taura u je da gerengernnidingebe kan, ka tila ka taa sorofenbajuw kafoyoroni segesegeliforow laje. Izini in benogo suguya minnu dilan, u y'olu fana laje, i n'a fofarafinnogodugukolonogodon nan, farafinnog falenfennogdonnan anifenjenamafagal bagantan. Taama in laban na, minisiri madamu Migan Asctu Func Samake y'a jira ko cike yiriwali taabolo kura ninnu ka lakodon jamana nemogow ni jamanaden fe wala u ka layiriwa, k'u bila taabolo korow no na bawo jamana ka jetaa b'o de la. Ni taabolo kura ninnu scra ka yiriwa, o b'a to sene kefen bagamaw be bila, k'u bo an senkoro bawo u ka tijeni ka bon n'u nafa ye.

Mamadu Si
Mahamadu Konta

San 2019-2020 sené kanpapi bë sira numan kan Oyasiwéni/OHVN na

O yasiwéni / OHVN kolatigejekulu ka laje 27 nan kera arabadon, marisikalo tile 13, san 2019. A nemogoya tun be cike minisiri bolo, dögötöro Nango Danbelc. Cakeda in nebila nemogó, madamu Jalo Ma Kone tun be laje in kene kan. Kolatigejekulu mogow ye u ka laje 26 nan dantigeliseben, san 2018 baara kelenw laselisében ani san 2018 baarakenafolo waleyali segesegé ka ben u kan ani ka san 2019 baara bolodalen n'a baarakenafolo bolodalen segesegé ka ben u kan. A ka laseli kono, minisiri Nango Danbelc y'a jira ko san 2018-2019 cikesan baaraw kera jigisigi kono, soro ni hadamadenya sira kan. Bawo jamana ka deme ka jesiñ angerekö ni cikeminenko ma, o ma kötige. Do farala koori koloma kg 1 sansongkan, k'a bo sefawari 50 la, k'a ke 51 ye. Cikelaw ka koori koloma mume sanna sanni san 2018 awirikalo tile 30 ce. O hukum kono, döröme 3 dira kororifecrela kelen-kelen ma koori kg kelen-kelen bee kan, ka da a kan, Mali koori sansongo yelenna dije sugubaw kono.

O nimisiwasaw bolen k'o y'en, minisiri da sera geleya daw ma. O geleyaw sababu ye ntumu ye minnu donna kababu



Minisiri y'a jira ko san 2019-2020 cikesan nacogo kapi

la, Oyasiwéni/OHVN ka cikeyorow la ani minnu donna koori la san 2018 setanburukalo la. Nka minisiri ka fo la, fura soro la ntumu ninnu na joona sanni tijeni ka damateme, k'a sababu ke fennjenamaninfagalanw ye. O geleyaw n'u ta bee, cikelaw sera ka suman toni 347 118 soro, farankan kera toni 85 683 ye. Koori koloma soro len kera toni 27 812 ye. Bene soro len kera toni 4 025 ye, olu la, bene bagajintan kera toni 1 400 ye. Legimumafen soro len hake benna toni 54849 ma, olu la, tiga hake kera 93% ye, ka legimu hake ben toni 163 655 ma.

Minisiri y'a jira ko san 2019-2020 cikesan nacogo ka ji bawo suman soro hake bolodara k'a ben toni 504 741 ma, wa a farankan ye toni 226 665 ye. Koori koloma soro ka kan ka ben toni 31 500 ma, ka bene ke toni 3 750 ye ani ka legimumafen ke toni 223 495 ye.

San 2019-2020 cikesan kono, Oyasiwéni/OHVN ka cikeyorow la, kalanw, danfen suga caya lakanani, cikedugumusow ni denmisew ka soro yiriwali, baara caiman bena ke olu sira kan.

Mohamed Z Jawara,
Mahamadu Konta

Goferenaman, Ofisidinizeri ani senekelaw ce san 2014-2018 benkan kiimena



benkan sabatili bë cike yiriwa

Benkan min be Goferenaman, Ofisidinizeri ani senekelaw ce k'a ta san 2014 na ka se 2018 ma, o sera a dan na. Benkan in kiimeni kera laje kerenkeren ye Ofisidinizeri dagayoro la Segu alamisadon feburukalo tile 21 san 2019. A sera k'a to mogow k'a don, baaraw waleyara ka se hake min ma san 2018 kalo woora laban kono. Ani k'a don, goferenaman, Ofisidinizeri ani senekelaw, bee sera k'a joyoro fa ka se hake min ma benkan in kono Ofisidinizeri yiriwaliko la. Laje in nemogoya tun be benkan kolosijekulu nemogó kura Modibo Mayiga bolo; laadibaa don soro ni nafoloko minisiriso la. Ale de bilala Susuru Danbelc nona.

O bilala baara were la. Ofisidinizeri nemogoba Mamadu Npare Kulubali tun b'a kene kan ka fara benkan kolosijekulu mogó ts bee kan. Mamadu Npare Kulubali y'a jira, ko san 2014-2018 benkan waleyali daminewati benna ni basigibaliya belebele ye jamana kono. O basigibaliya min

daminena jamana köröyanfan fe, a walangatara ka se jamana fan bee la. Ofisidinizeri yere dun ka surun jamana cemance la. Goferenaman k'a be wari hake min kerenkeren benkan waleyali demewariko kama, o tun ka dögo, wa o laboli yere senna tun ka suma. O kololo jugu yera soro kecogo la Ofisidinizeri kono. A ka lajiniw ma se ka sabati. A tun fora ko foro hake min fana be laben, o bee ma se ka ke ; o kololo jugu fana yeienna soro la.

O dc la jigi tun dalen be malokaama toni 1.122.350 min soro len kera san 2018 kono, dower ma se ka soro o la toni 754.225 k. O ye 75,34% soro len ye soro bisigiyalen na. Nka a kóni tun fora ko malo toni hake min be soro taari 1 na, 6,44% sera ka fara o kan ka teme san 2012-2013 kanpapi ta kan. Bakurubafo la 5,04% farala malo soro hake kan. Mamadu Npare Kulubali y'a jira, ko n'a ma je ko benkan be segin ka lakuraya, a juman ye wari nafama ba ka labila a kama ani k'o lasorocogo nogoya. O benkan kura b'a ta san 2019


na ka se 2023 ma. Jigi dalen be foro taari 140.220 seneni kan, ka malokaama toni 873.774 soro o la. Fen min ye nakosene ye, nakoforo taari 11.138 be sene ka nakolafen toni 112.122 soro o la. Benkan kolosijekulu nemogó y'a jira, ko goferenaman ye wari min dili layidu ta, n'o ye miliyari 7 ani miliyon 300 ye, a ye miliyari 2 ani miliyon 100 di kaban.

O y'a kelen ye ka 28,63% di a ka demewari mume na. Jisongo hake min sarala fo ka se san 2018 desanburukalo tile 31 ma, o benna sefawari miliyari 6.297.070.628,1 ma. O be ben 91,15% ma jisongo mume jinita la. Fo ka se san 2018 desanburukalo tile 31 ma, jibolisira hake min tun ka kan ka laben, 99% kera jibolisiraba labenni na, 88% kera jibolisira mankan labenni na, ani ka 64% ke jibolisira fitinin labenni na. Modibo Mayiga y'a jira, ko goferenaman ye demewari min labilla, o ma soro a cogo la. A tuq ka kan ka 422.809.007.14,4 min di baaaraw kecogo jatemine na, forow labenni na, ani jibolisiraw labenni kama, dower ma se ka soro o la sefawari 110.631.528,6 k.

O ye 26,16% soro len ye a ka layidu la. Fen min ye foro kuraw ni körölen labenniko ye, taari 91.149 de tun ka kan ka laben ; nka 13.869 de scrà ka laben o la. O ye 15,22% kelen ye. Nin geleya minnu kolosira, olu de y'a to ni Ofisidinizeri ka lajiniw ma se ka sabati.

Mariyamu A. Tarawele
Dokala Yusufu Jara

Fali 60 ni kō sara Nababugu k' a sababu kē bana sidonbali dō ye



Ne nisongoyalen be nin bataki in ci Kibaru nemogoyaso la, kan ka sigida geleya do da u tulo kan. Fijie do wulilien don anw fe yan, a ka ji an k'an janto an yere la o ko la. Kerenkerennya la, bana do be ka faliw mine anw ka sigida la sisan, an ma min suguya dōn fōlō. Fali nasa ka bōn senekela bolo. A b'a to a be se k'ka minenw doni ka taa yōrō caman

na. Bana in b'i n'a fo ninakililabana. N'a ye faliw mine, a dōw nunji be soolo, u be sogosogo. Fali mana dese a kan kōrō k' a kun suuli, a ka ca a la a be sa. O siratige la, an b'a pini mogō bee fe, an k'an janto an yere la nin bana suguya in na. Ani k'a pini faamaw fe, u k'a laje, ni fali ninnu be sc ka pikiri, walasa caman ka sc ka bō bana in māntōrō la. N'o te ni samiyé donna nin cogo la, an tēna sc k' an bolofewn doni ka taa forow la ni wotorow ye ka sene ke'; kuma te ka taa sugujow la ni faliw ye. N'a ma je ko bana y'an ka fali segen fo a sara, an kana a saman ka fili soforo la an ka du dafe, walima an ka dugu dafe. O man ji. An ka kan ka faliuw ta ka jaman n'u ye kilometere 1 walima kilometere 2 jōgōnna, k'u fili yen. N'o kera u kana tēna an tōrō, a tēna an sigijogōn tōrō. Jateminé na, an ye faliuw fen o fen fili dugu lamini na, o kera kasaara were ye. Sabula wulu minnu y'u dun, o bee b'a la ka sa, i n'a fo faliw be ka sa cogo min na. Nin bee kōfē, mogō minnu b'u ka dumuniminén turunun wuluw kōrō u k'a neemun, walasa k'a koli

nōgoya, an k'o dabila. O kun ye wuluw ni mogōw kana je dumuniminén kelen na. Ne b'a jini musow fana fe, n'u ye susuli kē, uka kolonw dabiri, baganw kana u kōnōna neemun. Sabula ni suman wali-ma dumuni kasa be kolon ni kolonkalan nōfē, baganw be nōrō u neemunni na. N'a fōra baganw salen kasa b'an kan, wulu minnu be k'o bagansuw dun, olu ka laban ka na u da don an ka dumuniminén ni kolonw kōrō, o be sōn ka bana in yelēma an fe. Tijé yere la bana kura min donnēn file faliw la anw ka sigida la, a kamanagan bonyanen don. A ka jepinī a tuma na. N'o te a na dadigi Jijenin komini, Jiwoyon komini ani Kolokanin komini faliw la. Hawusa dōw tun be ne fe yan, u be jigi yan o be san 10 fo san 18 bō bi, ka yaala k'u ka furaw feere. Ne y'u jininkā, ni nin jōgōnna kasaara sera u ka faliw ma. O y'a jira ko bana in tun be jini k'olu ka faliw ban Nizeriya jamana na yen, k'a sababu kē mura n'a sogosogo ye.

An be don min na, k'a damine feburuyekalo la fo ka sc bataki in sēbendon

Mamutu Kulubali n'a be wele
Mikinin ka bō
Nababugu, Sebekōrō
1 komini na Kolokanin.
Telefoni 62 35 56 43

Batakicilaw y'u hakilila jira kibaru nemogoba la



Kibaru nemogoba Amadu Jalo ne b'i fo k'i barikada i n'i ka baarakelaw. Ne Yaya Mariko ani Faraban Balo oye minen do ta ka nesin kibaru nemogoba jānse Samake ani Mamadu jānan Jara ma. Ne ni Faraban Balo ni jānse Samake sigira ka kuma.

An y'a jira an b'a fe kibaru batakicilaw ka se ka fara nōgōn kan walasa an ka nōgōn dōn. An bōrā jānse Samake fe yn ka taa Mamadu jānan Jara ni Sitan Kulubali fe yen, arajomali la, k'an miirinata nēfō a ko kan.

Olu ko a wari bōta musaka ka ca k'o dun te se ka ke n'a ma fo minisiri ye. A waati mogō min tun be kominkasōn minsiriya la, o tun ye Wulematu Tanbura ye. Kibaru nemogō ma sōn ka dayēlē an ye, a kuma tora ten fo kana olu bolobō baara la n'a tubabukan ye eretēreti ye. Faraba Bal oye ne wele k'a fo an k'a laje k'a nēfō Umaru Amadu Jalo ye, o be se ka ke mogō hakilima ye, ka feere sōrō a ko la. Ne Yaya Mariko ka batakici Kibaru la, o daminena kabini san 1999.

O y'a sōrō Basidiki Ture tun be yen, jānse Samake, Berete ani Nani nin-nu be tun be baara kē kibaru.

Ne ni Faraban Balo, Banba Jara, Soribajan Jara, anw y'an miirinata kē kelen ye, k'an b'a dajira Umaru Amadu Jalo la walasa a k'an dēmē, a ko ka se ka sabati, ka batakicilaw fara nōgōn kan walasa an be se ka

nōgōn dōn, ka kibaru dēmē ka taa a fe, bawo batakicila hake be kā dōgōya ka taa a fe. Anw minnu file a la kabini bēsēfānga daminēna fo ka se bi ma, o b'a jira k'an ta dabokun te warikō ye.

Nka aw ka kan ka bonya da an kan sabu bee b'a dōn, sebenni ka gēlēn, hakilijumansōrō ka gēlēn, bataki cili fana ka gēlēn.

An be ka batakiseben min ke, an be

kuma an sigida ani jamana kunkankow de kan. Jamana taabolo n'a cogoya be se ka dōn, anw ka batakiw kōnōkōw fe. Nin tun ye ne Yaya Mariko, Faraban Balo, Banba Jara ani Soribajan Jara ka miirina ye k'a lase Umaru Amadu Jalo ma. Anw m'a ke ni baasi ye. Ala ka i ka nemogoya jī-di, k'i kisi senkōrōjuguw ma. Ala ka i n'i ka baarakelaw kanben.

Bamananw ko n'i kera nemogō ye,

i kera sunuguba ye, jānan bēsē be furan ka ton i kan.

A filanan ko n'i kera sunuguba ye, jānan bōrē ye, bōrē te kelen, o ye juguman bōrē ye. Ko nemogoya be kē ni bōrē ye. A sabanan ka i hakilitō i yere la.

Yaya Mariko, ka bō Senu
Medini Werēdala

Dōrōgu ni Furakise cejuguw kelen be kasara ye bi togodaw la

Dōrōgu ni furakise cejuguw tali kera sababu ye ka fa don togodalamōgō caman na jānan. Misali la, cēmisēnkunda, fura suguya bēsē be feere togodaw la bi a dōw ka ji, a dōw man ji.

A dōw tali be kasara lase mogō ma, a dōw tali be mogō bali baara la, k'i bila sunogo la. Wa a dōw yere be mogō ke baarakelabu ye. Fura ninnu be dōw bonya. A dōw tali b'i jageleya ka ko do ke min te juman ye.

A tali be bana sidonbali bila mogō ia, dogotoro te se ka min furakise. Yōrō kelen te, Mali togoda bēsē de don.



A faramansi dayēlēn don togodo

bēsē la. A fura cejugu bēsē be bō Mali dugubaw kōrō ka na feere togodaw la.

A fura dōw tali be kulusijalagosi lase ce dōw ma. Olu mago be fura o fura la bi Mali kōrō, a bēsē be sōrō yalayala fura feerelaw bolo.

Ne be Umu Berete fo, ka Dōkala Yusufu Jara fo, ka Koyiri Kulubali ani Dirisa Kulubali fo, ka Sariba Dunbuya fo, Nafaji Kura.

Faraban Balo
ka bō Fuladugu
Kötuba Kita

Jamana yiriwali sira belebeleba dō ye balikukalan ye



An be don min na, mogō caman be yen, o te balikukalan dōn. Hali n'u y'a mēn, u m'a ke sebeko ye, u t'a cogo dōn; wa u ma jēci si ye

balikukalan na. Kumalasurunya la, balikukalan ye dōnni ye, min be di hadamaden ma, a siminkan na. Baliku ye jōn ye ? Baliku ye mogō ye, min si san b'a ta san mugan na fo k'a ka mogokorobaya dafa. Kalan be jēsin ninnu de ma. O t'a bali ni denmisēn min y'a kanu, k'i sendon a la ; o na kanan fo ka jē. Tana si te o la. Lakolikalan be se ka gēlēn denmisēn bolo, fo sira be tunun a la. N'i dun kera baliku ye, i be se ka degun ku ka sira juman mīnē. An fe yan, mogō caman be yen, hali n'olu ye kilasi dakunw sagon, ni garijegē ma foni ka taga jē, kalan be jo. Balikukalan dayēlēn be o ye. O kana jōn. Jamana mago be a den kalannenw na. Ka se ka siginidenw dōn, ka jatedenw dōn, ne hakilila o ye fēnba ye baliku

fe. Fen-caman dogolen be balikukalan na, minnu be hadamaden bilasira cesiri ni juman sira kan. Fanga be balikukalan na k'i se yōrō la, i ma sigi ni min ye. Balikukalan b'i bila lamōn sira kan ka se d'i ma. I be miiri cogo juman na, i be kuma cogo juman na ni bonya ye. Balikukalan be se ka mogō ka baara kēcogo nōgōya. Foyi tuma te tēms. Gatigiw, dutigiw, mēriw kominiw kōrō, jamanajēmōgō minnu jēsinnen be kalanko ma, an k'an sendon balikukalanco a nēma. Sabula balikukalan jōyōrō ka bon jamana kōrō. Duloki mana fara cogo o cogo, a be i farikolo yōrō dō datugu.

Modesi Balo
ka bō Kucala

Politikikene : Yelembaw bëna don jamana sariyasunba la

Yelembaw bëna don jamana sariyasunba la. O te baara nogon ye bawo o te se ka ke fo jamanadenw ka dijne n'a ye. Ni jamanadenw dijne n'a ye, o t'a bannen ye. Yelema ka kan ka don dakun minnu na fo jamanadenw ka dijne n'o fana ye. O t'a bannen ye, o yelembaw ka kan ka ke yelema suguya minnu ye, fo o fana ka dantige walasa bën ka ke o fana kan. Ako geleyayoro ye min ye, jamanaden minnu kunkanko don, olu fanba t'a don sariyasunba ye min ye bawo a sebennet don tubabukan na, wa a ma jefo u ye kojuman todunkan na. N'a fôra o la ko jamanadenw ka yelemasenw boloda o cogo la, o ye baara gelenmanba ye. Ni janto ma ke, a laban be ke mögo kalannenw dama ka ko labennen ye, sango politikimogow. O politikimogó ninnu dun, bee b'a kalama, olu ka fangapiniseerew dogolen b'u hakilila bee kofé ka teme jamanaden fanba ka herepinini kan. Jamana maracogo, o dantigelen be sariyasunba kono. N'e t'o kalama, jamana maracogo jena walima a tipena, c te bo o si kalama. I ka ketaw ani i ka hakew, jamana kono, i ka du kono hali bôlon kono, o bee be sariyasunba kono. N'e to si kalama, e be se ka kuma cogo di fasoko la ? An bora min, an be min, an bëna taa min, nin bee be dantige sariyasunba kono. N'e t'o si scerema, e ta ye kufeko ye fasoko la.

Jamana sôrko, a keneyako, a baloko, a kalanko, asiyoroko, a dugukoloko, a sekô ni dôrko, a politikiko, a diineko, a baarako, musow ni denmisénw ka kow, sigida n'a lamini, olu bee sebennet be sariyasunba kono. Jekulu ka keneyako, a ka baloko, a ka kalanko, a ka sekô ni dôrko, a ka politikiko, a ka baarako, a ka diineko, siyoroko ni dugukoloko, a ka sigida n'a lamini, nin bee be dantigelen be sariyasunba kono. Mögo kelen kunkanko, a ka sôrko, a ka keneyako, a ka baloko, a siyoroko, a ka dugukoloko, a ka kalanko, a ka sekô ni dôrko, a ka politikiko, a ka baarako, a ka diineko, a ka sigida n'a lamini, adw, nin bee be dantige jamana sariyasunba kono. N'e lapini ma jate nin ko ninnu sila, e ka fasodenya be ke tøkaje ye.

Ni sariyasunba labenna ka je, k'a kono k'ke jamanadenw hakilila jønjøn ye, a waleyali n'a lafasali be nogoya. O la, a be kesababu ye ka yiriwali sabati sira bee lajelen kan, siga si t'o la. N'a ko b'o cogo la, fo jamanadenw ka lâdonni, k'u lafaamuya walasa a ko kana kemogó kalannen damaka ko ye, a kana ke politikimogow dama ka ko ye, a kaka ke jamanaden bee lajelen ka ko ye, o dc jøgon te. Modibotile la, sariyasunba dilanna ni mögo minnu hakilila ye, olu y'a herew sôrò ka teme tøw kan. Musatile ta fana kera ten. Mögo minnu ye demokarasi kele ke, olu fana ye sariyasunba dôdilan k'a ben u hakililaw ma, olu b'o here la bi. O sariyasunba in de be jamana kono bi. Sariyasunba min bëna dilan sisan, a jirala k'a fôr'o bëna sinsin jamanaden bee hakilila kan, faantan ni faama, ce ni muso, denmisénw ni maakorô, nka fo bee lajelen k'a jilaja a niyoro ka seben a kono, o dc la an ko ko nogon te. O hukumu kono, jamanakuntigi Iburahimu Bubakari Keyita ka yamaruya kono, goférénaman ye feere min sôrò a ko la, o kera ka baarakéjekulu kerenkerennen dô sigi senkan min bëna jamanadenw

hakilila jini, ka baara ke n'o ye, ka sariyasunba kura boloda. Ce ni muso faamuyalena 12 b'o baarakéjekulu kerenkerennen in kono. Apemogoba ye karamogoba Makan Musa Sisoko ye. Karamogoba Makan Musa Sisoko y'a jira ko jamanakuntigi y'a sementiya ko sariyasunba in kôrôla, dijne taabolow yelembaw, an ka jamana fana cogoya bee yelembaw, k'a sababu ke banbaanci, jahadike, kojugubakelaw ani bandi suguya bee lajelen firili ye a kan, fo ka n'a se kudeta ma, o min kera san 2012, n'o ye dankari jamana fangabulonw na. Maliko tun banna pepewu. Nka k'a sababu ke Ala n'a kira ye, k'a sababu ke an

benbaw barika ye, dijne mögo wulila k'a jo, an sigijognjanaw, SEDEYAWO, Afiriki Kelenyatônba, Dijne jamana yéremahoronyalaw ka tønba, Erôpu jamanaw ka kelenyatônba ani Faransi-jamana, ka Mali deme. O hukumu kono, Alize benkan bolonobilala, nka o waleyali te se ka sabati fo yelembaw ka don jamana sariyasunba la. Jamana nemogow hakili la, geleya suguya caman minnu b'an kan halibi, olu fura bëna sôrò k'a sababu ke sariyasunba kura ye. Kabini san 1998, fanga y'a jini sijne caman ka yelembaw don sariyasunba la nk'a ma sirasôrò. Nin sen in ta bëna sirasôrò wa ? Baarakéjekulu

kerenkerennen in bëna a jesin min ma, o ye ka politikitonw, jerejekuluw, jekuluw ani tønw kumajogonya. O la, a be lajew ni sigikafow laben marabolow ni serekiliw kono ka jama lamé, ka hakili-law fara jøgon kan kasôrò ka sigikafoba dô laben. O sigikafoba in beyelemasen kura ninnu boloda, ka sariyasunba kura laben, demokarasimogow, danbe kôrò mögôw, diinemogow, finitigow, baarakelaw, jagokelaw, kenyereyew, cikela, bagangenna ni monnikelaw, ce ni muso, denmisénw ni maakorô, bee b'i sago sôrò min kono.

Mahamadu Konta

Kalankene : Afiriki baara bolodalenw yanni san 2063 ce

An b'a don ko degun be kogojidalajamanaw kan tøw cogo la. Degun minnu bee ja-telen don san 2063 nan baara bolodalenw fe.

71. An dijena n'a ye ko san 2063 nan baara bolodalenw ka ke bee taabolo ye san 50 (bi duuru) nata kono ani k'o ko latcliya walasa :

a) ka bolokolonya silatunun ni cakeda nafamaw demeni ye ; ni sôrò yiriwali ye ani baarakéyôròw dayèlî walasa k'an makow dilan.

b) ka so juman, da nogoman sôròli nogoya Afiriki den bee ye yoro jelenw na :

- Ka siyoro daamuma, nogoman, meentia sôròli nogoya bee ye,
- Dugokolodi na ke ni hakili ye, walasa k'a tilacogo ani a minecogo kôlosi ;
- Hadamadenya jetaakow na ke k'an jigidalen to dugubaw ani dugu misenniw yiriwali kan ;
- Baarakela minnu bee so kolon-niw kono ani minnu ka baara ketaw ma jate kosebe, olu dahirime na yiriwa.

c) Barika na don kalan ni sekô la, dônni, mansinmafénw, kow jepinini n'u lakurayali na taanje kosebe, walasa ka dunniyaw sinsin, ka hadamadenw ladamu u ka sekow kono. O la :

- Fo kalan ka ke demisennin fitinuw, lakoli kun folow ani cemancelakalanden bee kunko ye ;
- Fo cew ani musow damakejeni kalan na, fo k'o batu ani k'o sinsin ;
- Fo ka musakaba don baarakéjekuluw na, ani o keyoroba juman n'o be wele EFTP joli Afiriki kono, min n'an ka cakeda ni a baara kuntilenna ke kelen ye musow ani denmisénw ka baarasôrò fanfe, walasa ka dô bo baarasôròbaliya la ;
- Fo ka dônni sinsin Afiriki kono ni taaboloyelema ani musaka donni ye an ka kalansobaw la, ni hake bee keli ye kelen ye kalanko la ;
- Fo ka sêben dilan min be kalan ketaw jeni sementiya ani ka kalandens-falen nogoya jamanaw ni jøgon ce ;
- Fo ka Afiriki Inwiérítew jø,

walasa u ka se k'u joyoro fa kow jepinini na, mansimafénw áni u lakurayali la dijne kono :

- Fo ka Inwiérítew ani u bolofaraw nafabo k'u kônkalanw sabati kosebe.

d) An ka sôrò na bayelema ani k'u bugun ni an ka dugukolokannafolow tønbo ye. O la :

- Jetaa feerew na sigi senkan ni cakeda ye min jesinnen be Afiriki dugujukoronafolow yiriwali ma ;
- Jamana minnu jelen be dugujukoronafolow la, olu na u bolo ke jøgon kan k'olu bo ;

Sigikafô na sinsin yoro bee la walasa ka MPEME ke nafasoroyoro ye, ani an ka senefenw bayelema ;

- Songo na sigi senkan an ka senefen kerenkerennen dôw tøgô la ;
- Feerew na tige, walasa ka kôkôji ani kungokonuna sôrò yiriwa ;

- Kenyereye na sinsin ni nogoyaw ye, minnu tønbo cakedaw kan ani u ka bonyerela sigidaw la ni jago falenfalenni ye jamanaw ni jøgon ce ;
- Sôròboladaseben na laben Afiriki ye, min be na ke cakedaw jeminelan ye, k'u ka sôrò yiriwa ani k'u don dônni-dônni dijne jøgon danaw na ;

- Politikifrew na tige minnu be sôrò bakuruba yelema/yiriwa, ni politikiferew baara caman dili ye mögôw ma, musaka caman donni a la ani mansimafénw keli baarakeminfw ye.

- c) Ka dabakurunni bo sene na, ni ka senefenw bayelemacakedaw jukoromadon yanni san 2063 ce. O la :

- Kongo ani balokogeleya na silatunun pewu ;

- Sumân donini ka bo kofé ka na, o na dôgoya, jago na sinsin Afiriki jamanaw ni jøgon ce, sene ani senefenw kan fo ka taa se 50 ma kemesara la ;

- Sene taabolo kuraw na don kalan na ani mansimafénw donni sene na fo ka taa se dabakurunni bilali ma pewu ka bo senekeminew na ;

- Politiki ferew bëna tige minnu sababuya la dugukolo ani senefen tjuw sôròli na nogoya musow ma, fo ka se bi saba ma (30) kemesara la sene musaka la :

- Ka musow ni denmisénw ka sôrò fanga bonya ni u demeni sinsinni ye.

Mariyamu kône
kalansoba karamogó,
Bamako

Maakorôbaro : Sisi bagama tijeninçow



Waati cogoya yelemani be ka fo sanjiko geleya la ka fara wale werew kan minnu bôlen don hadamadenw dônyoro la. Jibabo b'olu la, funtenibabo be jate olu fe. Tilebabô fana y'olu do ye. Min ka gelen a kow la, o ye hadamadenw

ka faamuyalibaliya ni dannabaliya ye. Hadamaden caman be, minnu ka kôlosili ma se cogayayelema ma sango ka son a ma ko hadamaden ka tijeninçow nôba be sigi geleyali la sigidaw kono.

Sigida n'a lamini lakanani ma ke sebe ye hadamadenw bolo. Hadamadenw ma dan dô u ka kow la, kerenkerennenya la, ni bônegôla ni yiriwali kuma fôra. Yiriwali baara caman be na ni sisi ye, sisi bagama. Sisi bagama be bo mansinw na. Mansinw be taji min jeni u baaraketo. Jatemew ni kopenini jaabiw ko hali baganmara nogow fana be na ni baga ye, baga min be fara sisiw kan fîje kono fo kabakolo la.

U be kabakolo tangalan tige. Sigida n'a lamini kecogo filc ka ko sôrò : sanjina-baliya kasaraw, jibabo kasaraw.

Daramani Tarawele

Fasokannakalan demenicakeda ka san 2018 baaraw nena

Fasokan nakanal demen cakeda, n'a be wele tu- babukan dajie surun na Senerefu (CNR-ENF), o nemogejekulu y'a ka laadalatonsigi 11nan ke feburuyeka- lo tile 28 san 2019. A nemogoya tun be cakeda in nemogoba Sumana Kane bolo. Laje in bolila dakun fila kan: baaraw soro n'u musakaseben min dajirala san 2018 marisikalo tile 15, ani san 2019 baara ketaw soro n'u musaka bolodalen.

A jirala ko Senerefu ka san 2019 baarakenafole be se sc sefawari miliyari 1 ani miliyon 337 ma. Goferenaman bena a bolomademe ni hake min y'o la, o ye miliyari 1 ani miliyon 95 ye. A jigi b'a demebaaw kan a to miliyon 305 sorozi la. Baarakenafole kofolen in bena don baara bolodalen saba dafe: balikukan baara bolodalen min be wele tubabukan dane surun na Peweya (PVA), gafedilanyoro min be Senerefu kono yen o baarakeminew sanni, an'u be to ka mog'o minnu ta ka baara dow ke san saba kuntaala kono, olu musakaw.

Senerfu nemögoba Sumana Kané y'a jira, k'u tun ye kôlôsili minnu ke lakoliw nemögoyaso dôw ka balikukalanw kecogo la; n'o ye Akademiw yc, u tun ye lapini dôw ke olu kunkan. O lapiniw be tali ke balikukalansow sirataamacogo la kalandenw fe duguw la, ani kalanw



Senerfu yəməgçyaso ka lajekənə

k̄ecogo la. A kun ye yelema puman ka
don olu la. O b'a to kalandenw ka se-ka
kalan wasalenw soro, o t̄ogo duman ka to
balikukalan kan. O siratige la, kalansen
nafamaw bena laben kalanje ni sebenni
ani jatew k̄ecogo puman na karamogow
fe. Ka kalanw k̄olosili n'u kijimenimin
jenamaw fana laben; kalan were minnu
be ke balikukalan donniyaw sorolet kofe,
k'o kalansenw laben; do farali baliku-
kalan karamogow ka donniyaw kan o
baarakemin kuraw labaaracogo pumah
na, o kalanw be walcyea. Hali do farali ka-

landen jolenw ka donniyaw kan, o fana dabaliw be lapini kerenerennen ninnuna. Sumana Kane ka fo la, Scherfuko sigira senkan san 2010 utikalo tile 4. Forobacakeda min don, goferanaman de b'a jemogow sugandi; a baarakejogon folo ye kalanko minisiriso ye. A be fo o forobacakeda súguyaw ma tubabukan dane surun na Epeya (EPA). Senerefu ka baaraw jiesinnen be balikukalan ani fasokannakalan ma. O siratige la, baara fen o fen be ke balikukalansow kono ani baaradegckalansow (CED) kono,

a b'o bee ·kojew jenabo. Kalangafew dilanni n'u jensenni ka se kalanyorow la balikukanlan kanpaniw kono na, o b'o la. Senerefu be jepogonyasiraw ni baarakenjogonyasiraw jini balikukanlan mademeni hukumu kono, ani kaceda fen o fen b'a fe ka balikukanlan ni balikukanlan kofekalanw ke, k'o bilasira o waleya ninnu sabaticogo juman na.

Kabini Senerefu ka nin laje 11nan in
damine na, Suman Kané y'a jira, ko
dijé tónba Oni ye laje min kë Iseyon,
Koredisidi jamana na san 2015 kónona
na balíkukalanko kan, u ye baara kéta
dow boloda, minnu ka kan ka waleya
yanni san 2030 ce. O de koson jamana
bee b'a sinsin o benkanw kan, n'a b'a ka
kalanw boloda. O benkan in be yiriwali
kuntaala jan söröli lajiniw kono. Balí-
kukalan anj fasokannakalan kofolen b'o
lajini N°4.6 kono.

Yelema numan donni na balikukalan ani fasokannakalan kecogo la Senerefu fe, kalanko minisiriso y'a sinsin o hakililaw. kan ka laseli ke. A^k'a jigi be balikukalan ni fasokannakalan nemogow kan u hamina nafamaw qaniya sirili la, minnu wacyali be se k'a to u ka lapiniw be sabati.

Sidi Y. Wago
Dokala Yusufu Jara

Mali kalanko be nini ka ke sekilisabasiri ye

Kalan jogon baara puman te nka kalan jogon baara gelen fana te. Mali kalanko be yoboyaba la kabini demokarasifanga nana, o ye kabakoba ye min ka bon hakili ma. N'an ye jatcmine ke, musafanga binni sababu do kera kalanko ye. Bee b'a don, lakolikaramogow ni lakolidenw joyoro bonyara kosebe san 1991 marisikalo tlic 26 yelelaw sabatili la nka a nafa jenama ma se kalanko ma, bawo kalanden ka donta be ka dogoya ka taa a fe san o san. Wa lakolisan kalo 9 kono, kalo hake min ke kalan na tigitigi o kono, o hake fana be ka dogoya ka taa a fe. Ni karamogow te baarabila la, i b'a soro lakolidenw be coololi la. An famana san dalakejeni ma kalanko la, fo dow y'a jira ko lakolidenw n'u karamogow te se bilen ka kalo 9 dafa kalan na. N'u segenna doron, u be ko do kenekaraba ka taa u lafiya doonin. Kolosili la, modibotili lakolidenw ka donta tun ka bon ni musatile lakolidenw ta ye. Musatile lakolidenw fana ka donta ka bon ni demokarasitile lakolidenw ta ye. Bee be se k'o kolosi i ka so kono. Modibotile lakoliden tun be se batakisen na k'a to kalanso min na, ani musatile lakoliden tun be se batakiseben na k'a to kalanso min na, ani demokarasitile lakoliden be se batakiseben na k'a to kalanso min na, olu te kelen ye. Tipe don, kalan fanga dogoli sababu te gerewuko dama ye, nka kalansan dafabaliya koni sababu ye gerewuw ye.

An be gerezewu min na sisan, n'o be jini ka ke sababu ye san ka tijé kalanko la dugumakalansow ni cemancekalansow la, o be jini ka ke damateme ye bawo hali denmisennin fitininw lamoyorow karamagow n'u ka kalandenw sen b'a la, n'o ye « zaridenw » yc. Kenyereye kalansow fana sen b'a la, Sigikafo caman kera a ko la jamana kalanko jemogow, lakolikaramogow lafalitonw, lakolidencw lafasalitonw, lakolidensomogotow, lakoliko jenabolitonw ani jerejekuluw fe. O n'a ta bee, lakolikaramogow ka gerezewu ma se ka dabila, wa mogo te a dabiliatura don, san to dun te teme kalo 3 kan bilen. Ni san tijena nin cogo in na, o ye geleya faralen ye geleya kan. Fura

ma soro lakolikaramogow ka geleya la, o ye kelen ye. Filanan, lakolidenw tenaboo u no na, san were, u b'a damaine adakun koro la. Sabanan, lakoliden ku-raw be ta, o ye diyagoya ye, elu be taa fara korojenw kan, o be ke sababu ye kakolidenw ton jognon kan kalanso kelcnkono. U be caya kalanso ha'ke ma, u be caya lakolikaramogow ma. Musakaw be caya fo k'a damateme goferenaman ma. Lakolikaramogow banyoro ye dakun damado ye : U y'a jini gafesongo kafara u ka sara kan, siyowari ka fara a kan. N'u be taa laksli segesegelibaw keyorow la, taamawari min be di u ma, do ka fara o kan. Segesegelibaw seben kelen-kelen kuruw dili, do ka fara o warri fana kan. Jateminew y'a jira, k'u ka jinifewn musaka be se scfawari 8 000 ma lakolikaramogo kelen ta. Goferenaman y'a jira k'o se t'ale ye bi kada lakolikaramogo caya kan.

Denmisenniw ka sinijesigi be ka don boggo la, k'a sababu ke goferenaman kadesye ani lakolikaramogow ka banbagancyia. Bangebagaw dusu tijenen don jamana fan tan ni naani kono. Nka u te ka jalaki bin lakolikaramogow kan, unejoyoro ye goferenaman de ye. O y'anika jamana laada ye, ko bee lajelen turubeda goferenaman kun hali n'o y'a soro goferenaman kelcn no te.

An be don min na i k'o bi, a be se ka fo ko Mali kalanko ma taabolo jönjön kelen soro hálibi kabini yereta. Yiriwali dun sabatilan fölö ye kalanko sabatili ye. Adamine na, góferenaman y'a jigiseme a yere la kalanko la, a tilala k'a ye k'a kelen fanga te se. O bölen k'o ycn, góferenaman y'a jigi ke sigida lakodönnenw ye, olu tun ka kan k'u ka sigida kalanko musaka fanba ta, góferenaman ta tun be ke bilasirali dama ye. A kólsira ko sigida lakodönnenw fanga ka dögo, ni góferenaman ka deme te, olu te se ka fosi ke u yere ye. Góferenaman y'a jigi da kenyereye kalansow fana kan, a yera k'a fo k'olu fana fanga te se bawo ni góferenaman ka deme te, bangebaga minnu be se k'u denw sëben kenyereye kalansow la, k'u jo n'a wari sarali ye olu

man ca.
Nin bee b'a jira ko Mali kälanko taabolo man ni. Sc te jamana yc, sc te sigida lakodönnenw yc, sc te kényeręyw yc, o ko be jenabö cogo di ? An dëmebagaw b'u se la, nka jamana were te se ka na Mali kalanko jenabö Malidenw ye. Ni bolo fununna, a be da a tigi kun. Gôferenaman sigikun ye jamana geleyaw jenaböli yc, n'o te sigikun were t'a la. Tjne ka fö, baara ka ke tipe kan, ka namara senbö kalanko la. Kalanko jenaböli ka segin kalansow kono ka poli-

tikiko' senbo a la. Sigida lakodonnenu,
lakolikaramögow, lakolidenw,
lakolidensomögötow, olu k'a laje ka kala-
lanko nенабо ka кепе du ni dudenw ka
lapini n'u ka nafa ma ani ka кепе jamana
lapiniy ma

O hukumu kono, goferenaman k'a ta olu ka dabada ma k'a joyoro fa, k'a laje k'a ka doni fegenya kosebe kalanko la, k'a ka baara ben bilasirali ni kolsili ma.

Mahamadu Konta

N ka ga kanunen

Anw fe Mali la yan balow la fanga
ma ye malo ye, malo be ke
ga suguya caman ye. Ne ka kanu-
nen ye nsamen ye. O ye kɔnɔw,
dekundiw, jenajew, ani scili werew dumuni
yc. O ye karidonyaw fana

*n̄ogon ye, nka nc b'a jegema dc fe.
Nc ba ye nin dumuni in tobibaga jnana ye. A
be wele an ka kan na ko nsame.*

Asitan Sanogo ni Adama Kulubali



tilan. A ni sogo walima jegé de bë taa ni

Mali tun be Fesipako/FESPACO kene kan Wagadugu



Mali togolasu penajew nagara Umu Sangare fe

Afriki Jaw ni Jabaranin pogonunbenba (Fesipako/ FESPACO) sijé 26 nan kera Wagadugu, k'a damine feburuyekalo tile 11, ka se marisikalo tile 2 ma. Fesipako

ye san 50 soro jinan. O hukumu kono, a sigira nin hakiila in kan « An k'an miiri k'an taasi Afiriki jaw kan, k'u ka sinpesigi sabati ». Mogoba weleken kerenkerennen fila tun b'a kene kan : Iburahim

Bubakari Keyita Mali peresidan ani Poli Kagame Rwanda peresidan. Folo weleka da a kan, ale sugandira Afiriki jamanakuntigfe k'a ke Afiriki seko ni donko kalamene ye. Filanen weleka bawo

ale sugandira k'a ke penajeba in denfa ye. Burkina jamanakuntigfe Kirsitiyan Marike Kabore ye IBK jansa n'u ka jamaana meday sankorotalen ye penajeba in senfe.

Mali seko ni donko minisiri, madamu Njai Aramatulay Jalo tun b'a kene kan. Ale bilala Mali jabolaw ne ka taa Mali joyoro fa.

Mali togolasu bolodara penajew kono. Umu Sangare kera o paga sigibaga ye. Mali jabolaw y'u ka baara kelen 7 jira pogondanu senfe. O jaw ye : «Barikomo walima farawo » ye, o dilanna Abdulayi Babilen Daraba ni Bubakari Omotinbe fe. O ye ja ye min be boli dogonaw ka seko ni donkow kan Banjagara kuluwow kono. Gauwu Tangara ye ja min laben, o be wele «Umu, dakan karaba», o n'a koro be jogon na. «Daawa», o labenna Mali Konate fe. O be kuma silameya taabolo do kan, min be boli bato ni alakosuma kan. A y'a jira ko daawa ni silameya dantemewale tiligamogow taabolo te kelen ye. Ja min be wele «Jamu duman », o labenna Salifu Tarawele fe. Mali jamu tariki, abe kumana o kan. « Samara josila », o labenna Csy Kulubali fe. Mali ye nin ja damado ninnu de jira Afiriki jabolaw ka pogondan na Wagadugu Fesipako senfe. Fespaco labandon, janaw jansara : Uruwanda ye joyoro folo soro, Eziputi ye joyoro filanan soro, Tunizi ye joyoro sabanan soro. Mali ja kelen pewu de jansara, o kera Salifu Tarawele kaj aye min togo « Jamu duman ! » ye.

Yusufu Dunbuya
Mahamadu Konta

Kalo farikolonenaje kibaruyaw

1. Mali ntolatanko gelyaw

ma wuli halibi : Dije ntolatanko jenabolitonba, n'o ye FIFA ye, o y'a jira k'a te jo di fan fila si ma, wa a te jalak bin u si kan fana. FIFA tun ye Mali ntolatanko gelyaw jenaboliekulu mogow wele, n'o jemogo ye madamu Dawu Fatumata Gindo ye ani kelepopognw jemogow, n'olu ye Mamutu Ture ni Salaha Babu ye, a dagayoro la, Siwisi jamana kan. O kera arabadon, feburuyekalo tile 27, san 2019. O lajeiba in senfe, ben ma sc ka soro. O la, FIFA ye kalo 6 fara fokabenjekulu mogow ka sarati kan, k'a jigida u kan walasa u ka fura soro geleya ninnu na sanni utikalo tile 31 ce. Nin y'a sije sabanan ye, FIFA ka do fara madamu Dawu Fatumata Gindo n'a baarakojognw ka sarati kan walasa u ka fura soro Mali ntolatanko gelyaw la.

2. Bamako disitiriki bolobati-giw ka pogondan :

Bolobatigiw ka

farikolonenaje be ka sanga soro Mali kono. U ka pogondanba kera jumardon, marisikalo tile 1, san 2019, Bamako farikolonenajesoba kono min togo dalen be Salimatou Mayiga la. Kilo 65 ka japa kera Mohamedi Tarawele ye n'a be wele Wara. Kilo 75 jana kera Suleymani Kamara ye. Kilo 80 jana kera Zan Besce ye. Kilo 85 jana kera Iburahim Aliwata Keyita ye n'a be wele Nto. Muso kunda, lakoliden koroba Koyan Keyita kera jana ye. Nin y'a sije folo ye musow ka ye bolobatigow ka pogondan na.

3. Sitadi Malien ye jalatigelaw ka kupu ta: Mali ntolatan jalatigebagaw togolakupu tara Sitadi malien fe sibiridon, marisikalo tile 16, san 2019. Sitadi ye Ereyali gosi 3 ni 0. Nka Ereyali ye ntolatkan ka pe sanga 45 folo la teme Sitadi kan, bawo u ye bi 10 pogonna de je k'a sababu ke sengoya, garigejetine ami Sitadi jokolosila ka wulikajo ye. Sitadi ka kuru 3 donna Musa Kone fe Kofi sanga



Sitadi malien ntolatanton

14 nan na. Filanen donna sanga 32 nan na, penality la, Isiyaka Saïmaka fe. Sabanan donna Bana Jawara fe sanga 61 nan na.

4. Samatasegew ye ntolatanna kura 3 soro :

Ntolatana fila bolodalen be samatasegew ye. Folo be ke sibiridon, marisikalo tile 23, 26 marisi farikolonenajekeyoro la. O don, Mali ni Sudan be

jogon soro. Filanen be ke Cesi, marisikalo tile 26, san 2019. O don, Mali ni Senegal be jogon soro. O ntolatana ninnu hukumu kono, deglikaramogo Mohamedi Magasuba ye wele bila mogow kura 3 ma walasa k'u sifile : Masajo Hayidara, Iburahimu Tanja ani Bubakari Jara.

Laji M Jaabi,
Bubakari Cero,

Kariti NINA soro li kelen be sekilisabasiri ye a jinibaaw bolo

Walasa ka se ka bugunnatigesében nafamaba soro, bi-bi in na bee jigi be kariti NINA kan ; nka o te ka soro Ala hee la

Tuma min na an sera Korofina meri la Bamako komini folo kono, an bennna ni ko do ye. Ce do, min si hake be se san 40 pogonna ma, o kan be, minnu nakan ye kariti NINA dilanmi ye, oula ka na yanfe. Minnu fana nakun ye filiw latilenni ye u ka kariti NINA kan, oula ka taa yenfe. O yora kelen pewu dc be komini fola mogow bolo kariti NINAko la. Cakeda min jesinnen be fasodenjumanya ladamuni ma, kariti NINA be dilan ale de ka yamaryaya kono. N'a b'i bolo, a be seben suguya caman soroli nogoya i bolo ; i n'a fe duguitaaseben n'o ye pasipori ye, n'i b'a fe ka ye pogondan do la ami ni lakoliden korobaw b'a fe k'u ka waritaseben dilan, n'o ye kariti banker ye. Ka da nin seben ninnu joyoro bonya kan mogow bolo, kariti NINA dilanyorow da te lankolonya tuma si la baarakedonw na. Kabini sogomanege kanje 7, an ye mogow tonnen soro merida la, kariti NINA sorol tagasebenyoro la. U tun ma jo-joli damine jogon kofe folo. U koni kolokololen tun don jama-kulu-jamakulu ma makononi ke. Mogow dow sigilen tun b'u ka motow kan, dow jolen tun don. Dow yere tun sigilen don kabakurunw kan bitiki dow daw la. Minnu be dumunisan na sanni ka waati se, olu dow tun sigilen be feerekelaw ka banw ni kurun janw kan ; n'o ye kalalikelaw ka sigilan jan jogonna ko ye. Nin jama bee be ka tagosebennaw makonon kariti NINA soroli kama. Kabini ce do ye meri daba yele, jama girinna ka sin a la. A y'a kanto u ma, ko lakoliden bakitigw doren de mako be se ka jenabo bi. A k'o kuma in ye mogow tow galabu kari. O n'a ta bee mogow dow tora cu-cu-cu la a nose halibi jininkali werew la. Sabula u b'a fe ka wasa soro u nakun na kerenkerennen la. Ce in y'a jeya u ma, ko taratadon ni alamisadoun kerenkerennen don lakoliden bakitigw doren de kama. O siratig la, a k'a b'a jimi mogow tow fe, u ka taa ka na ntenendorw, arabadonw ani jumadow fe. A sorola ka don ka da tunga a no na. O kelen, mogow minnu te a ka mogow dantigelenw na, olu jigilatigelen ye yoro bila. O n'a ta bee mogow 4 y'a tulomagelya ka to yen, k'u b'u garigeje sifile halibi ; sabula ce kelen tun b'u cela, min ko bi jama man ea folo. Ko nin y'a sije folo ye alc jena, mogow bere kana soro yan. Ko ko don tow la, kene be dogoya jama na, fo dow b'u jo sira kofe. A ko don dow yere la mogow be si da la yan, wa-



lima ka soli poyi ka na joyoro mine, min b'a to u mako be kon ka jenabo, u ka taa u ci were la tile to kono. Walasa i sen ka se ka cun meri dukene dama na, a k'o y'a damanagelya ye, jama cara bolo. Ce in ko ale ka tgoseben secreyaseben ((eresipise)) koni sorola kaban ; nka ale nanen don a teri dow de deme bi. A ko sanni ale k'o seben in soro, a ye dogokun fila jalen ke, don o don sogomanege kanje 4 tun b'a le soro yan. Ce in y'a jira an na, ko sisan yeleman donneb kow la. A ko don dow la mogow ye keleba ke da in na yan joyorsk la. A ma ne fo polisiv nana don u ni jogon ce. Kabini o de kera donw tilala NINA jinibaaw ce, walasa ka dansigi jama hake la. Don dow dantigera lakoliden ye, ka dow fana dantige mogow tow ye. Nka jatemeine na, o kele sababu bora lakoliden korobaw la ; sabula a b'olu jena ko hake b'u bolo ka teme bee kan. Sisan mogow be don da fila fe. Daba ye cew donda ye, musow ta ye danin ye. Hali konna na cew ni musow danfaralen don joyoro la. Mogow do y'a jira, ko minnu togow sebenna kabini waati jan ni Araweki (RAVEC) seben b'u bolo, olu de mako jenabolli ka telin. A ko ale y'a ke kumbonkola ye a waati la, k'o ye file k'a bila nin taakaseginba gansan na bi. Do fana y'i konto, ko ale te se k'a faamuya, munna u te kariti NINA dilanyorow caman dayele sigidaw la ? Bee ka sc k'i ta dilan i ka meri la, salasa jama hake ka bérében yorow la. Mogow hake minnu tun be kene kan nin don in na, olu ye o ce ka kuma tipetigya ; u sorola ka « k'an ben » da jogon ye sini sogoma joona

nege kanje 4 waati la, min b'a to u be se ka kon mogow caman je, ka joyoro folow soro. Sabula u be mogow ta ka dan nege kanje 9 ma. A tow be labila o don to la. Lakoliden do sigilen tun b'a ka moto kan, k'a boleseben woloma ka fara-fara jogon kan. An koni ye Ibarahima Sila sebennen ye o sebenw do kan. Lakoliden korobaw kunko be jenabo cakeda min fe, n'a be wele tubabukan dage surun na Senu (CENOU), o ka yamaruyaseben do b'a bolesebenw na. A wajibiyen don o yamaruyaseben ka soro lakoliden korobaw ka NINA jinini sebenw na. Ibarahima Sila ko ale yere hakili t'a la, a ye Senu ka yamaruyaseben hake min dilan nin ko kelen kama. A ko kabini desanburukal temenen in tile 19, ale b'a ko kan k'a nejini. A ka fo la, kariti NINA soroli be son ka nogoya mogow tow bolo ka teme olu lakoliden koroba baktigw kan. Sabula ni yamaruyaseben min dilanna ka di i ma Kabala iniweisite la SENU mogow fe, n'i mako ma se ka jenabo don min na, i wajibiyen don ka segin ka taa dowerie dilan yen tuguni. O b'a soro min b'i bolo o sarati dafara. Ibarahima Sila k'a le nana a ka NINA jinini sebenw ladon don da la, u k'a le k'u makon, k'u b'a wele sozin. A k'a le y'o don waati bee ban yan a ma wele. A ko bi fana ale be yan kabini sogomanege kanje 6. A k'a le be ka kariti NINA soroli seben jini a binogoke do fana ye; k'o sigilen be Kongo Barazawi jamaana na. Kariti NINA ntanya koson, o selon te k'a ka pasipori sarati dafalen lakuya. Kasoro a toga sebenna kabini san 2016 kononana, a ka kariti NINA ka kan ka dilan ka di a ma. Sogomanege kanje 8, togosebenba raw daminen. Mogow min bilala ka taa yamaruya di jama ma u ka don meri dukene na, o y'a jira u la, k'u ka jo sira fila ye. Seben do tun b'a bolo mogow tow togo tun sebennet b'o kono kaban kabini nege kanje 7 waati la. U y'u jo o sira fila ye teliya la; a sorola ka togowele damine, soglikelan agarafezi b'a bolo a ye sebenw fara jogon kan, k'u soro jogon na. Hali jama donneb dukene na, u wajibiyara ka jo sira ye tuguni. Mogow min bilalen b'o baara in na, a katik ka gelon, a mako te mogow si dalakuma na, wa a te kuma dumai f'mogow ye. Hali n'i ko a ma "n'ko", a be peren i kunna. A ye Sumayila Jaa masifjenya kosebe o cogo la ninn don in na. O tun ye NINA jinina do-ye jama na. Ale tun ka kan ka don ka taa a ka sebenw mine; sabula mogow hake min ka kan

A te taa solikabow ko ; wa a baaraw te damine ni sogomanege kanje 8 ma dafa. Meri dukene be fa jama na i ko dokojojin. Tile mume kono u te dowerie fana ta ni mogow 30 te. Tuma caman na i wajibiyen don ka tile 45 k'o togoseben secreyaseben ((eresipise)) makononi na sanni i k'o soro. O yere te soro tuma dow la n'i ma surouf di jemogow da ma. O kuma in sementiyara soredasi do fe, min tun b'a fe k'a togo seben k'a ka cresipise soro joona, walasa k'a ka kariti NINA jenabo ka taa kalan da la Maroku jamaana na. Soredasike in ko ale tun be siwilifini na a don na. K'a ale y'a jira nemogo do la, k'a mako be a ka togoseben cresipise la teliya la ka taa dugu la. A k'o te geleya, ni ce sonna ka wari bo. O warikuma falen, soredasike sinna k'a ka soredasika kariti bo k'o jira a la. A dalaikan yelemania yoroni kelen. A k'o sinna k'a ale ka ko penabo teliya la fu yere la, warikuma ma fo tuguni.

Dokala Yusufu Jara